

Efesus

¹ Nai Pol, Anut ilon yen ak lo, in Jesus Kristus san aposel ago isikatag a. Nai an Kristus san tamolpein gun a Efesus taun lo amado dugo Kristus mi awan ari apani dan, an sam na girek en nigan ipalu da.

² Bai Anut mi idsad Tamad, Tubun ak Jesus Kristus lo ilo panek an lo yen dop, ilo maror amam da ka amado wa.

Urgun san na bar uyan uyan ipalu ya

³ Idsad Tubun ak Jesus Kristus inanen Taman, Anut mi in yan tabisa wa. Man dugo, id Kristus da tutumani kisaek ak ninen o, Awan Urgun san bar uyan uyan ak fidian a lak na yen dan ipanad go tuburou ya.

⁴ Saen Anut tan ta igane ilasa na dugo, id Kristus ida itumanad o kob ipanad a. An lo saen id in naon na tatur dan, id gun tumado dop, in malan lo man id ai wadan amad tiap itaot mi ago ka tumado wa.

⁵ Wagam mi mok, id nined o imat an lo, kob ipanad go nlanal injiliad pe in san nanun muroun mok tilasa san man Jesus Kristus lo mi a. Inanen ilon yen ak lo mi, id siniren na tau san ilo uyan lo ago igane ya.

⁶ Ago dop id in san ilo panek sinjakaan geig an ninen o per tupani wa. Anut san Nanun man in san buben mok a. Aria, Nanun an lo ilo panek a ipanad an sen kawan naon tia ipanad a.

⁷ Kristus id da tutumani kisaek an ninen o, inanen dar lo in idad injiliad dugo idaned aupasek

fidian ipare idu ya. An inſan ilo panek tubun geig ak iri pani a.

⁸ Anut inanen ilo panek id ninjed o tubun geig ipanad a. An lo manjau funfun agod ilo safulalek uyan uyan dam ipanad a.

⁹ Mel an wagam mi Anut san ilo sou lo mi yen a. Ak man milaen mok inanen ilo sou an imianuk yen a. Aria, gamu gug inanen ilo sou imianuk an kuai tem igane ilasag id ilod isafulale ya. Kristus lo gup urat an yen a.

¹⁰ Inſan ilo sou igo ya, in mel fidian un ad yabip yau gup, nal a kob ipani antep, mel an fidian Kristus lo mi itumani wa. Melmel lak na, agod tan na dam, Kristus paen na mi dien a, agod in mel an fidian sad tamad imado wa.

¹¹ In lo dam Anut id ipilianad go id Kristus san mi a. Man dugo, Anut in mel dugo ilasa san ninjen o ilo sou igane dan ago mok mi igane ilasa da. An ninjen o Anut mel a id ninjed o ilasa wan wagam mi ilon yen ago mi igane ilasa ya.

¹² Man Juda adi malmalan mi Kristus o iloma rumok a. Aria, Anut kob a ipanama yan san fun man, inſan girager tubun geig an per mupani dop lo mator a.

¹³ In lo an dam, ru rumok a patum ipasi san bilalun uyanan alon dugo in o ilom rumok a, an lo inanen kob anane ya. Kob an man inſan Awan Urgun nek a id ipanad o promis ru ibol a.

¹⁴ Awan Urgun man mel imug Anut ipanad a, amaiak lo id talon ak, murnap id dam mel aenta fidian uyanan ak Anut bageu iganeg yen dan tinjane wa. An nek ago mi yen yau dop Anut mi

melmel an ipanad a. Fun an niŋen o iŋsan girager an tubun mok per tupani geig a.

Pol Efesus niŋedi wo Anut igudani da

15-16 Fun nek an niŋen o ŋai Anut naon na aŋ niŋemi wo ilo uyan ru ŋupani dan, ta ŋiyalis na da. An nek saen ŋai aŋ Tubun ak Jesus Kristus lo ilom rumok an ŋaloŋ ak, agod aŋanem ilo panek a Anut san tamolpein gun ak fidian lo agane dan dam niŋen o ŋaloŋ an, saen antem ŋai fun ŋigane ya. An lo ŋai pempem aŋ niŋemi wo dam ilog isou dugo Anut ŋugudani wonŋ da.

17 Idsad Tubun ak Jesus Kristus san Anut, iŋ nek a girager san Taman amaiak ŋai igo ŋugudani da. Aŋanem maŋau iŋ lo yan iganep, kankan milaen ak san ur, agod melmel imianuk yen dan kuai ipani san ur dam aŋ ipanaŋ a.

18 Ŋaisag gadiŋ lo Anut ŋusumianip aŋ lilaman ipanaŋ dop ilom isafulale wa. Agod melmel a aŋane wo igiaŋ go mala nouk amado dan san fun mok aloŋ uyan a. Agod Kristus san filian a girager aman da yan iŋsan tamolpein gun ak ipidinaŋ o promis ru ibol an dam aloŋ uyan a.

19 Taida mi, iŋsan dabai tubun geig ak id ilo rumok tamolpein ilod lo urat igane dan, an dam aloŋ uyanan o ŋai ilog ago yen da. Dabai an san tubun man tubun kasik id tou tigane san tia ya. Dabai a id lo yen dan nek dabai amaiak mi Kristus mateŋ lo ifufuni imasa yan da naon kisaek a.

20 Dabai nek an mi Kristus iŋane isudag, kumaen panu lo kalik malan te yak ate, Anut giranŋen won ak lo iganeg imasi a.

²¹ Kristus inſen man kin adi, gabman san nao njanek tamol adi, gurman fidian, ur fidian dabai amad da yan, tamol fidian a tamolpein malad lo inſ yanad amad da yan dam, an fidian irinjanai a. An saen gamu mi san tia ya, an saen murnap san dam mi a.

²² Anut inſ mel fidian Kristus paen na iganeg dien da. Agod ipilianig Kris midaeſ fidian tan en lo sad gurman igane ya. Ago yan lo binawek uyan uyan ak ipidinai a.

²³ Kris tamolpein man Kristus inſen tinin. Ago yan lo Kristus inſan bunun inſen lo awan isag yen dan, Kris midaeſ fidian ilod lo kuai isip, an lo dop tamolpein fidian dile wa. Man dugo, Kristus inſen man mel fidian e tan en lo dumado den tinid injanefuteg imado da.

2

Kristus lo id kumaen tumado da

¹ Gubak mi aſ aupasek agane dugo kubiaeſ dam ariſani se ya. Agog an lo nſutum dam imat ak, ago mi amado na ya. Gug saen aſ aupasek lo ator se yan lo inſ iganeg aſ kumaen amado ya.

² Nal an lo man aſ tan en san kagin saiak lo amado se yak, ago mi ator na ya. Aſ ur saian ak sad gurman, timtaen lo itilanig dabai anda itor dak san kagin ari apani se ya. Ur saiak an gamu en inſ tamolpein ensauta a awa parsisalek tinadi an, tinidi lo urat saian ak igane da. Man dugo, inſ Anut awan ta diri na da.

³ Wagam id fidian dam nek inſ dida naon kisaek a, ago dugo ilo masai san kagin an mi tiri se ya. Idaned ilo ibol agod tinid san ilo masai dam lo

tumado na yan, an niñen o idsad madok tan en lo man id Anut san tiñæ saiak paen na tumado da. An nek ibol tamolpein fidian tan en lo ditor dak, ago mi a.

⁴⁻⁵ Ak gug, Anut id Kristus da itumanad go kumaen pempem san ipanad a. Man dugo, Anut in ilo muñanek tinin lo man awan isa geig a, an lo in id o tubun mok imat an niñen o, gidad, idsad aupasek lo ñtud imat yau bo man, kumaen ipanad go ñtud kumaen dilasa ya. (Anut san ilo panek lo mi an patum ipasi a.)

⁶ Agog Anut id enti a Kristus da tutumani an in da mateñ lo ifufunad go kumaen tilasa ya. Ago dugo in da sisem mi kumaen panu lo taug inanen badim fo tumasi a.

⁷ In ago igane yan san fun man, saen murna murna ilasa san an lo gup inñsan ilo panek tubun geig an id naod na kuai tem igane ilasa dop pempem tile wa.

⁸ Man dugo, Anut san ilo panek lo mi patum ipasi san man anñsam ilo rumok lo mi a. Mel an anñsem ta agane na ya. Tia, Anut sen kawan geig an ipanañ a.

⁹ An man an urat agane yak san naon tia ya. Kabelan tamol ta an lo na sen yanñan yabisa banau.

¹⁰ Man dugo, id man Anut san banin aban a. In id Jesus Kristus lo idirad go foun tilasa ya. An fun man id kagin uyan uyan ak mi tigane wo wagam mi Anut ikubune panad an mi turi wa.

Id Kristus lo kisaek tilasa ya

¹¹⁻¹² Amaiak niñen o an imug mi Kristus lo asau mi amado se yan ilom isou wa. Tamol a muluñ san

kulob diñane yan, in an niñemi wo tamol mulun san tia yak ago dubol da. Gidad ago durupaian bo man, kagin an tamol sad kagin sed tinid lo digane da, an man banid san mel mi a. Saen an lo man an Isrel sad tumanek lo naom tareñ dufou se ya, agod Anut san promis ru Isrel adi ipidinai an niñen o anjaon a. Rumok, an mel uyan ak ta niñen o mala naok aganeg ta amado na ya, tia, an sam madok tan en lo man, Anut tia yak ago won amado se ya, an niñen o dam ilom isou wa.

¹³ Rumok, imug mi an asau mi amado se ya. Ago gug gamu man Kristus san dar lo an injilian go apalu ya. An Jesus Kristus ida atumanig, lo gamu en an Anut sumeikan mok sinjiren na amado da.

¹⁴ Man dugo, Kristus in sen man idsad ilo maror. An alon ak, tempel ilon lo tareñ ta yen an lo gilek yen a, tareñ an Juda adi senamo idirai dugo Juda tia yan dam senamo idirai a, an lo turen an san siai tumanek malan uraru an ilod lo yen a. Aria, gamu id ilod kisaek tilasa wo Kristus in siai an san tareñ irube yang itout a, ago yan lo tumanek uraru an iganeg afon kisaek tilasa ya.

¹⁵ In san mateñ lo Moses san ru kubiaen fidian agod ru kagin fidian ilon lo yen an dam ifni imat pasik a. An lo na Kristus in sen Juda tamol in Juda tia yak da inal go itumanaig, an lo tamol foun ak kisaek mi ilasa ya. Dal an lo maror igansi a.

¹⁶ Kristus tinin kisaek amaiak lo, tamol wagam an uraru mi itumanaig, Anut san turan mok on dilasa ya. An san dal man Kristus aigim fo imat amaiak lo mi a. Dal nek kisaek an lo mi siai a nug lo yen an, Kristus igane itout a.

¹⁷ In bilalun in aneg an a asau mi amado dan sam

na ipalu ya, agod man Juda e sumsumeik mumado den dam mi a. Bilaluṅ maror san an id fidian naod na ifulale ya.

¹⁸ Gamu in lo, id fidian geig Awan Urgan kisaek an lo mi dalawan ipasi panad dop Bai sinjiren na tilasa wa.

Id Anut san ab gun ak igo won tumado da

¹⁹ Gamu en an tamolpein naom foun ak igo won ta amado na ya. Tia, an Anut san tamolpein gun ak dida naom kisaek mi a, agod an inṣan warou mok ilon lo dam amado da.

²⁰ An Anut inanen ab igo won isuse da. Man aposel, profet dida man, Anut ab an san bag igo won igunama ya. Jesus Kristus inṣen man ab an san bag tamol.

²¹ Ab an san tatu fidian man Kristus lo mi isasau a. Ago dop ab isuse yan lo ab kisaek gun ak Anut ilon lo imado san ilasa wa.

²² Kristus lo dam, in injilian go an ab gun an da ibateg kisaek mi an ab an tinin aenta igo won amado da. Amaiak ninen o gamu Awan Urgan inṣen Anut naon inaneg ab ante imado da.

3

Anut san ilo sou imianuk yen an kuai te ifulale ilasa ya

¹ Fun an ninen o, nai Pol, an tamolpein a Juda tia yan ninemi wo Kristus san subanek tamol numado da. Aria, Anut nugudani wo da, ak gug ru ta nurupaian o da.

² An dag ru en alon boi. Anut inṣen inanen ilo panek nai banig lo iganeg nuwae panan o urat njigane da.

³ Njai imug girek en ngireg lo nrupaianj a, Anut sen inſan ilo sou mianuk an, an naji irupaiag a.

⁴ Saen an ru en asuti dop, igo ale gup, Kristus san ru mianuk ak an naji njalonj fufei a.

⁵ Saen imug imug ipalu se yan lo man, Anut in ru imianuk an tamolpein tan en san naod na kuai te ta igane ilasa na ya. Ak man gamu en Awan Ur lo yak ninjen, in manj aposel injanen profet adi dam, inſen ru imianuk an fun ifulaleg kuai tem ilasa dugo dulong uyanan a.

⁶ Ru mianuk an man igo ya, anj gob adi Juda tamolpein dida sisemi Anut san bar uyan uyan ak anjane wa. Anj in dida atumani an lo tinim kisaek alasa ya. Agod melmel a Anut san promis lo tinjane wo ibol an, id sisem tinjane mok a. An bilalun uyanan Anut Kristus lo ipanad an lo ilasa ya.

⁷ Bilalun uyanan en ninjen, Anut ipilianag go inſan bilalun tamol njilasa ya. An inſan ilo panek a sen kawan naon tia njane yan iri pani a. Rumok, injanen dabai tubun geig ak lo naji iginiag go tamol naok ago yak njilasa ya.

⁸ Gidad, naji Anut san tamolpein lulunad lo, tamol kawan ak igo wonj njumado bo man, in naji ilon ipanag go urat emaiak ipanag a. Urat en man, Kristus san bunun uyanan a talonj san id ta idaisuda na yan ninjen o, gob adi naod na kuai te njabol ilasa dop dulong a.

⁹ Anut san ilo sou saen milaen mok imianuk yen se ya. Ak gug Anut a mel fidian igane yan, injanen ilo sou an kuai tem ilasa wo ago ilon yen da. Ago dop tamolpein fidian inſan ilo sou imianuk an dile dulong a. Agod inj urat an dam naji ipanag a.

¹⁰ Rumok geig, Anut in kulob a inſan tamolpein lulunaḍ lo igane ilasa yan lo, inanen maſau funfun naon senamo geig an iganeg kuai isi a. Ago igane yan lo, ur sad gurman in ur fidian a dabai amad da yan dida lak na ditilani dutor dan, Anut san maſau tubun geig ak an ikubiai pidinai dop dile wa.

¹¹ En man inſan ilo sou saen fidian san a. An lo man gamu Jesus Kristus idsad Tubun ak lo Anut san ilo sou an nuſon ilasa ya.

¹² Id Kristus o ilod rumok dop, id tarer san tia ya. Id an lo talon uyanan ak Kristus in mi idsad dal. In lo gup id Bai sirinſen na tilasa wa.

¹³ Ago yak ninſen nai gamu en nurupaian da, madai e an ninemi wo nisini den ninſen o ilom muran amoi. Man ata wo? Madai en man ananem girager tubun a.

Pol Efesus tamolpein dutur sakar san ninſedi wo igudani da

¹⁴ Fun an ninſen o nai Bai naon na turug nusaluwi a.

¹⁵ In warou fidian lak na yak in tan na yak dida dumado dan sad Tamadi a. Man ninſen mel fidian an inſen mi yanad ipidinai a.

¹⁶ Nai turug nusaluwig igo nugudani da, Anut inſan girager san binawek wei mi an an nſutumi ilon lo ka igane wa. Ago dop an lo inſan Urgun idiran pe tamolpein nſutum dabai tubun mi ak amam da ago amado wa.

¹⁷ Ago dop Kristus sen ananem ilo rumok an lo nſutumi ilon lo ka imado wa. Nai igo dam nugudani da, ilo panek kagin an man ananem kagin naok naok fidian san fun mok a.

18 An lo an Anut san tamolpein fidian dida sisem, Kristus inanen ilo panek an alon uyanan san, an ikawilami wa. Ago dop man an ka alon uyanan ak, Kristus ilon ipanan san kagin man tubun mok, yaug milaen geig, isida yaug lak na kasik, idu yau geig a.

19 Rumok, id inanen ilo panek an talon pasik anen ta idaisuda na ya. Gug gidad, nai ninemi wo Bai nugudani on da, an inisan ilo panek an alon uyanan a, ago dop man Anut san bunun uyanan fidian ilon lo awa na geig an, an lo dam ka awan isa wa.

20 Anut in mel dugo onsa ilo sou lo yen dan, agod mel dugo ninen o sumiani dan dam, irinanip, suguan dam ka ipano wa. Insen mi inanen dabai id ilod lo urat igane dan lo, urat an fidian igane wo idaisuda geig a.

21 Ago yak ninen o, inisan tamolpein lulunad lo, Kristus lo dam, Anut san girager kuai tem yen a, gamu yen ak, nal pempem nek agom yen yau a. Rumok.

4

Id Kris fidian ilod kisaek a

1 Nai Pol, Tubun ak san subanek tamol, nai igo nurupaian da. Madok a Anut ninen o igian an ari apani wa. Ago dop kagin a insen ninen o ilon yen dan lo mi itaot ator o ago ilom nabisa da.

2 An sem ibian adu dop tamolpein maror amami ak igo won amado wa. Saen an ilo muruan dupanan dop ninedi wo an ilom wananan amoi. An anen anen nug ilon apani wa, ago dop muruan a nugug lo akubiani dan, gidad asini wa.

³ Anjanem ilo kisaek Awan Urgun lo yan, maror nek a ituanan̄ iso yan lo mi maeg aganep kagin apani wa.

⁴ Id Kris adi tinid kisaek, agod Awan Urgun dam kisaek a. Nek ago mi, mala nouk kisaek nek a Anut nin̄en o igian̄ ago mi a.

⁵ Tubun en man kisaek a. Ilo rumok san kagin dam kisaek a, Kris filanek dam kisaek a.

⁶ Anut dam kisaek mi a, id ilo rumok tamolpein fidian idsad Tamad a. In̄ id fidian fufo lak na ya, agod id fidian anen anen ilod lo urat igane da. Agod in̄ id fidian tinid lo imado da.

⁷ Ak man Kristus ilo panek lo mi id anen anen in̄san ilon yen ak iri panim, in̄san lou funfun id ipanad a.

⁸ Amaiak nin̄en o Anut san ru buk lo yak igo ibol, “Saen in̄ lak na isuda yau man, tamolpein a wei mi n̄ied banid subanek lo yen se yan in̄iliai go dida diau a. Ago dugo in̄san lou panek funfun an tan san tamolpein ipidinai a.”

⁹ (“In̄ lak na isuda yau” ru an fun dugo yak i? An fun man in̄ imug mi tan en lo ipalu idu ya.

¹⁰ Enti in̄ a tan na idu yau amaiak, in̄ mi did aben fidian dam irin̄anaig isuda yau an lo, in̄sen mi mel fidian ilodi tinidi lo in̄ mi awan isa wa.)

¹¹ In̄san lou panek man igo ya. Ta aposel urat, ta profet urat, ta bilalun̄ urat, ta matu urat, aenta girek man̄au urat lo iginiaig dumado da.

¹² Anut san tamolpein man Kristus tinin. Aria, lou funfun amaiak ipidinai an lo man, Anut san tamolpein urat digane san dal dukubune wa. An

lo man, in anen anen Kristus san urat biabi ka digane wak, agod in Kristus san tinin dabai dupani wa.

¹³ Urat en ka yau won dop id fidian sad ilo rumok lo, agod idsad manau a Anut Nanun ninen o an lo dam, id tamolpein itumanad pe kisaek tilasa wa. An lo dop id Kristus san kagin lo busumak sad tou tinanep tumado wa. Aria, busumak adi sad bunun a tinane wo maeg tigane dan san tou man, bunun an fidian Kristus lo mi yen da.

¹⁴ Wagam id nanuk on tumado na ya, id wog igo won beig san bururuk gidigheid iriad ila iso se ya. Gug id Kristus on tilasa wo dop, id afon nanuk on ta tumado na wa. Man dugo, imug mi kagin en id Kris tamolpein lulunad lo yen a. Tamol ta supalek ru nam pitenanek foun foun ak dupanad a. Pitenanek an Kris tamolpein iduduwai dugo ilo sou uyan ak san dal ifutani da. Tamol an dal funfun lo dirawai dugo dal saian ak lo didirai diau da. Teig taog, id fon ago ta tilasa na wa.

¹⁵ Tia, id ilo panek san dal tiri dan lo ru rumok ak mi kuai tem tabol ilasa wa. Ago dop id nek ibol nanuk igo won titalbusi uyanan a. An lo dop kagin fidian lo titalbusip, id Kristus igo mi tilasa wa. Insen mi idsad gurman.

¹⁶ Id Kris tamolpein man Kristus san tinin. Kristus itirnad dugo inanen tinin id dabai tupani da. Tinin san boi anen anen man tinin an da isatuanig yabig dabai go kisaek mi dipinig dien da. Tinin an san boi anen anen insinaned urat kisaek kisaek atem digane da, an lo tinin fidian italbusip ilo panek lo dabai inane da.

Ananem madok san dal

¹⁷ Tubun en lo n̄ai ru kagin e n̄urupaian̄ den an̄ ari apani wo tubun mok n̄ududuwan̄ da. An̄ afon gob adi sad dal lo ta ator na wa. Man dugo, in̄sad ilo sou an kawan mok a.

¹⁸ In̄sad dulon̄ man tidom tubun yafutani a, agod Anut san madok nin̄en o man in̄ ibol tamol asau ak igo won̄ a. Man dugo, diñan̄ go dumado da. In̄sad ilod pat igo won̄ dabai geig an lo Anut ta dulon̄ na ya.

¹⁹ Kagin itaot ak nin̄en o man kagin ta dupani na ya, an lo ilo masai san kagin an mi diri dupani da. Kagin fidian nun aman da yak lo diladu san nin̄en o mi yaes isofutanai da.

²⁰ Ak man an̄ dal an lo Kristus nin̄en o ta alon̄ na ya!

²¹ An̄ dag Jesus nin̄en o dupitenanan̄ dugo ru an kagin ta apani na ya. Taida mi, Jesus ilon lo mi ru rumok yen da. Aria, an rumok tap, n̄ai gamu n̄urupaian̄ da,

²² an̄ ilom wagam ak san turen̄ an abisei wa. An ananem madok wagam ak san mel mi a. Ilo masai san kagin an ilom in̄ane dop, sem n̄udum asue dop lo mel fidian a saian ak an mi agane wa. Amaiak nin̄en o gamu en an̄ kagin wagam an akudip yau a.

²³ Ago dop an lo an̄ n̄utum in̄ ananem ilo sou fidian da ka foun dilasa wa.

²⁴ Ananem ilom foun a Anut sen igane ilasa panan̄ an mi ananep an̄ tinim ilon lo agane wa. Ago dop ilom foun ak san bunun in̄ Anut san bunun da naon kisaek a, an lo an̄ ilom ilon lo kagin itaot ak in̄ kagin gun ak da awan isa wa.

²⁵ Amaiak niñen o aņ rawek kagin an amoi. Aņ fidian ru rumok ak mi Kris aenta naod na arupidai dop duloņ a. Man ata wo, id fidian tinik san boi anen anen amaiak san tinik kisaek ago tumado da.

²⁶ Aņ ka talpein ta niñen o ilom saian a. Ak gug kagin an ale funi dop aupasek lo ta idiraņ au na wa. Tia, kagin agane wa, saen ad gamugo idiau dop, aņanem ilo saian nug niñen o an akubunep itout a.

²⁷ Agod aņ dal ta Satan ilom iņane wo ta apani na wa.

²⁸ Ta iņ gumagam tamol man fon ta igam na wa, tia, iņ urat igane wa. Iņ urat uyan ak mi banin lo igane dop, an lo tamolpein a melmel lo katuk ad go dumado dan binawek ka ipidinai a.

²⁹ Aņ ru saiak binawek aman tia yan awam lo ilasa amoi. Tia, ru uyan ak mi abol ilasa wa, ru an ka tamolpein duloņ dop lo dabai ipidinai a. Gidad muruan dugo dugo tamolpein dile dan, ru a ibinawai san an mi abol ilasa wa. Ago dop tamolpein a ru an duloņ dan, aņ Anut san nao njanek igo woņ iņsan ilo panek apidinai a.

³⁰ Aņ Anut san Awan Ur ilo muruan apani amoi. Awan Urgan iņ man Anut san kob aņ ilom ilon lo igane ya, amaiak lo Anut iņanen tamolpein iņiliai san nal an lo aņ dam sisem iņiliaņ a.

³¹ Aņ ilom lo siai kagin, tiņae saian san kagin, nug abubuņani adiri san kagin, uf ru san kagin, agod dumadam kagin dam, an fidian akudaip diau itout a.

³² Aņ nug niñen o bubem kisaek ak lo, tini misek san kagin lo dam atur sakar a. Nek ibol Anut iņ Kristus log aņanem aupasek ipare idu yak ago mi,

ansem dam nug niŋen o ago agane dop ator a.

5

Lilaman lo tator da

¹ Ago yak niŋen an gidad kagin a Anut inŋen igane yan mi ari apani wa, man dugo, an inŋinanen nanun muroun mok amado da, agod in tubun mi ilon ipanaŋ da.

² An aenta ilom apidinai san turen lo mi ator a, nek ago mi Kristus ilon ipanad an lo inŋen tinin ibisei panad a. In man nek ibol bilelek a Anut dupani wo yai digane dop inŋan mumalun iwen siŋaokan pe lak na yaup Anut ilo uyan ipani san igo won a.

³ Aria, an jeit kagin lo, kagin nun anda yak fidian an lo dam aladu amoi. Agod aenta sad melmel niŋedi wo malam isi amoi. Aupasek naok ago yak man Anut san tamolpein luluŋad lo yen san man aben tia ya.

⁴ An ru nun, ru niŋeo, ru kukok a ilo saian igane ilasa yan dam awam lo ta ilasa na wa, man dugo, kagin naok an uyan tia ya. Tia, an gidad Anut per apani wa.

⁵ An mel en aloŋ uyan ak i? Tamolpein ensauta a jeit kagin digane dan, kagin naok naok nun anda yak digane dan, agod tan en san melmel niŋedi wo yaes ifug ditor dan dam, Anut in Kristus da sad kumaen panu lo ta mok diladu na wa. (Talpein a tan en san melmel niŋedi wo yaes ifuni dan, in talpein a tubud sewak sad ubou ad ile dan da naon kisaek mi a.)

⁶ Kagin agane wa, kabelan talpein ta ru kawan ak lo ŋudum dusue dop lo an kagin saiak agane

banau. Kaging naok nek an lo dop Anut tinjaen saian pe inj ai wadan saian geig ak iganep awa parsisalek san tamolpein an sad tinid fo ikulmaek idu dop ka disini wa.

⁷ Ago yak ninjen an tamol naok ago yan dadi nug turan on ta ator na wa.

⁸ Man ata wo? Imug mi an tidom tubun lo amado se ya. Gug gamu en Tubun ak an lilaman lo iginian a, an ninjen o an lilaman san tamolpein igo mok ator a.

⁹ Man dugo, lilaman inj nunjon uyanan ak mi igane ilasa da, kaging uyan ak, kaging itaot ak, ru rumok ak mi tabol san kaging dam, an mi id tigane wa.

¹⁰ Kaging uyan nek a an agane san ninjen o Anut ilon uyan dan mi ale wo maeg agane wa.

¹¹ Tidom tubun san kaging funfun lo sem ta iginian aladu na wa. Kaging naok an man inj nunjon ifu uyan san tia ya. Tia, saen tamolpein kaging saiak digane dugo an ale tap, kuai tem abubujanai a.

¹² Man dugo, kaging nek a mianuk lo digane dan man saian geig a. Rumok, talpein ta kaging an ninjen o malak malak ibol tap, miai tubun mi ifuni wa. Ago bo man, inj gidad malak malak ibol ilasa wa.

¹³ Sul man aban isapudade dop mel ta inj sul san lilaman lo ilasa dan tamolpein dile wa. Amaiak ninjen o mel saian ta lilaman lo kuai isip tamolpein dile dulon pe “an saian ak” ago dubol a.

¹⁴ Fun an ninjen o ru e ilo rumok adi dubol den talon a,

“On tamol a wen dan, masa.

On mutou lo wen dan masa dop,

Kristus in lilaman ipano wa.”

¹⁵ Kagin agane dop ananem turen bitinaek lo aganep ale wa. An tamolpein kankan amad tia yak igo won turen abi amoi, tia, tamolpein kankan amad da yak igo won ago mi ator a.

¹⁶ Saen abidani amoi. Saen gamu e Anut ipanan dak lo, kagin uyan uyan ak mi agane wa, man dugo, saen gamu e id lo tumado den man saen saian a.

¹⁷ Fun an ninen o an njeo kagin lo atur dan amoi. Tia, akubianip ale, Tubun ak san ilobol an man ata mel ak i? An ale alon dop ari apani wa.

¹⁸ Agod an tubun mi aluk dop, aburaurau banau, man dugo, kagin naon nek an an muruan ipanan a. Tia, Awan Urgan an mi an tinimi ilon lo awan isa wa.

¹⁹ Ago dop an ru girek Isrel bar san buk lo yen dan lo, ubou san bar lo, Urgan san bar lo dam nug lo anjen a. Ananem tinim nutum fidian lo Anut ilo uyan apani wo bar abi wa.

²⁰ Agod nal fidian lo, mel fidian ninedi wo dam, an idaned Tubun ak Jesus Kristus yan an lo, Bai Anut per apani dop ilo uyan apani wa.

Pein iwon tamol da

²¹ An anen anen nug awan paen na amado wa. An kagin ago agane san fun man, Kristus yan an lak na mok asini wo ago ilom yen a.

²² On pein, onane tamol paen na mado wa, nek ibol on dam Tubun ak paen na mado dak igo won a.

²³ Man ata wo? Iwon pein in san gurman man iwon tamol a, nek ibol Kristus in man in anen tamolpein fidian sad gurman igo won a. In san

tamolpein man inŝan tinin, agod in man inanen tamolpein sad patu pasek tamol.

²⁴ Amaiak ninen o, nek ibol Anut san tamolpein in Kristus awan paen na dumado dak ago won, on pein mel fidian lo onsigane tamol san awan paen na mi mado wa.

²⁵ Aria on tamol, onane pein ilo pani wa, nek ibol Kristus inŝan tamolpein ilon ipidinai dugo sen tinin ibisei pidinaig mateŋ lo idu yak ago ya.

²⁶ Ago yan lo inanen ru nam, nek ibol you igo won, inŝan tamolpein ifulanaig an lo gun idirai dilasa ya.

²⁷ In ago igane yan lo dop inanen tamolpein sinjiren na girager amad da dupalup naon na dutur a. Girager an tinin tubulak tia yak, mel ta saian nek ago tia yak dam ago mi wa. Tamolpein an man gun ak, agod nun tia yak nek ago mi dumado wa.

²⁸ Ak ninen o an tamol dam, nek ibol sem tinimi kagin apani dak igo won, anŝinanem iwom ilom apidinai a. Ta inŝan iwon pein ilon ipani dan, in sen tinin ilon ipani da.

²⁹ Id talon ak, tamol ta inŝen tinin lo ager ta igane na da. Tia, in sen tinin anan ipani dugo kagin ipani uyanan da, nek ibol Kristus inŝen inanen tamolpein kagin ad igane dak ago won a.

³⁰ Man ata wo, id anen anen man Kristus san njen banin malan, mel ago yak inŝan a.

³¹ Anut san ru girek lo yan igo ibol. “Tamol in tinan taman ibisawaip iwon dam nug dipinip dutur a. An lo uraru an tinid kisaek ak igo won dilasa wa.”

³² Ru an ilon lo ru faŝan tubun mi yen dak talon san ta pasauman na ya. Gug nŝaisag ilo sou lo, ru an

Kristus in sinanen tamolpein da niñedi wo ibol a.

³³ Gug gidad, an tamol anen anen anjanem iwomi niñedi wo amat a, nek ibol ansem niñemi wo amat dak ago woñ a. Pein dam anjanem tamol kagin ad agane dop paed na amado wa.

6

Nanuk tinan taman da

¹ Nanuk, an anjanem tinam tamam awad mi ari apani wa. An Tubun ak san a, an niñen o kagin an ago agane wa. Man ata wo? Kagin an uyanan mok a.

²⁻³ Ru kubiaen ta promis aman da yak Moses san girek lo yen da. Ru kubiaen an man, kubiaen a malan te amaiak ilon lo promis yen da. Ru kubiaen an igo ibol a, “On onane tina tama sad yanjadi lak na mok sini wa. Ago gane tap man, on madok uyan ak nanep, saen milaen tan en lo mado wa.”

⁴ Bai adi, an anjanem nanuk abiai dudu saian geig san kagin lo, ilo saian apidinai man amoi. Tia, an gidad piteñanek uyanan a Tubun ak san dal iri pani dan mi apidinai a, agod in sed tinid diabi idu dop lo Tubun ak san awan paen na dumado san, an dam akubiai pidinai dop dulon a.

Urat bigabeg inñaned tirnek tamol dadi sad ru

⁵ Urat bigabeg adi an anjanem titianek tamol tan en san awad mi ari apani wa. An niñedi wo dam arer a. An pempem anjanem urat niñen o ilo sou kisaek a maeg apani dan lo urat ago mi agane wa, nek ibol an Kristus niñen o mi urat agane dan igo woñ a.

⁶ Anj saen injsad leil lo amado dan lo mi, ilod anjane wo sad awad ari apani man amoi. Tia, anj Kristus san urat tamol igo wonj urat a dupanan an agane wa, man dugo, Anut ninjemi wo ilon ibol man anj tinim bubem fidian lo ago agane wa.

⁷ Anj ilo uyan lo urat agane pidinai a, urat a agane dan tamol gidad san tia ya, urat an man Kristus san a.

⁸ Man dugo anj alonj uyan ak, talpein ta inj mel ta uyanan ak igane tap, injsan urat naon man mel ta uyanan ak naon kisaek Anut banin lo ipalu dan an mi injane wa. Gidad inj bigabeg boi, tia, injsinanen ilobol lo itor san tamol boi, uraru an sad urat naon man kisaek a.

⁹ Anj titianek tamol, anjanem bigabeg adi kagin uyan ak mi inj lo agane wa. Ilo rer san kagin inj lo agane amoi. Tubun ak inj lak na imado da, inj anjsam Tubun a, agod inj dam injsad Tubun a. Agod injsan leil lo man, id fidian tou kisaek mi a.

Kris adi inj yu tamol igo wonj dumado wa

¹⁰ Aria, naj gamu ru wadan njurupaianj da. Anj Tubun ak san dabai sakar geig ak lo atur sakar a.

¹¹ Biouj a yu tigane san an fidian Anut id ipanad la ya. An mi anj tinim lo asisi isap Satan san rawek kagin fidian abiani dop wagai aganep atur sakar a.

¹² Man dugo, id tamolpein ninjedi wo ager ta tigane na da, tia, ur gurman adi, ur tirnek adi, ur dabai amad da a tidom tubun gamu yen dan lo, tan en san tamolpein ditirnai dak, ur sisaiak kagin saian geig ak san, agod lak na dumado dutor dan dam, amaiak ninjedi wo ager tigane da.

¹³ Ago yak niñen o Anut an yu agane san bioun fidian ipanañ an aburou, saen saian ipalu dop, an nek an lo dabai pe atur dop yu agane wa. Saen yu itout dop, nek ago an dabai amam da atur a.

¹⁴ An kam lapik galim te afouti wa. Lapik an man ru rumok igo ya. Aenta man, titirem te siot kapa ak agane wa. Siot kapa an man kagin itaotan ak igo woñ a.

¹⁵ Niemi te sendal agane wa. Sendal uraru an san fun, an ilom tinim imasap maror san bilalun uyanan an asini ator san ak igo ya.

¹⁶ Kagin fidian an, sad malan te man ilo rumok mi a. Nek an mi dumui igo woñ, abi sakar pe Satan inñsan yu malan yai balen anda yak isou ipanañ dop atartitanip asoufunip imat a.

¹⁷ Taidam, patu pasek a Anut ipanañ an kitikat sakar ak igo woñ ananep kabunam fufo agane wa. Agod sabiri a Awan Urgan san an dam abi wa. An man Anut san ru.

¹⁸ An saen fidian lo, gidad mel dugo ilasa yan, Awan Urgan san dabai lo agudani wa. Man niñen o nal fidian malam ipuk pe ta ayalis na wa, ago dop Anut san tamolpein fidian niñedi wo agudani wa.

¹⁹ An gudanek lo mi Anut asumiani dop nai binawek ipanag a. Nai ilog igo yen da, an agudani dop, Anut inñanen ru nai awag lo igansi wa. Ago dop nai narer se yan njobiseip, an lo Anut san bilalun uyanan a imug mi imianuk go in lo yen gug gamu kuai isi an mi njobol ilasa wa.

²⁰ Inñsan bilalun niñen o nai man Anut san nao nanek tamol, funatek lo numado da. An gudanek lo Anut asumiani dop in dabai ipanag dop tamolpein naod na ru dabai mok njobol a, man dugo, kagin an

ņigane wan Anut malan lo man uyanan a.

Ru wadan

²¹ Tikikus urat e ņigane den, agod muruan dugo ifunag den niņen o aņ irupaiaņ dop alonj a. Inj Anut san urat lo man ņaisag urat kisaek a, agod ņaisag bubeg mok a.

²² Amaiak niņen o maņ mel dugo dugo mile dan niņen o alonj uyan o ņai Tikikus ņigane siņirem na ipalu da. An lo aņ ilom dabai ipani wa.

²³ O teig taog, ņai nek e Anut ņugudani den, inņsan maror ipanaņ a, agod ilo panek inj ilo rumok da sisem, Bai Anut san na ipalug, Jesus Kristus san na dam ipalu yan dupanaņ a.

²⁴ Anut ka inņsan ilo panek an iwali idu dop, tamolpein ensauta a inņsad ilo panek imat san tia yak Jesus Kristus dupani dan ituanai dop inj lo yen a. Rumok.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d